

DE
V T E R I G R A V I D I
R E T R O V E R S I O N E.

DISSERTATIO INAUGURALIS

QVAM

ILLVSTRIS ATQVE GRATIOSI ORDINIS MEDICI

C O N S E N S V

P R O

GRADV DOCTORIS MEDICINAE

LEGITIME CONSEQVENDO

AD D. XVIII. M. DEC. MDCCCXXXII.

H. L. Q. S.

P V B I C E D E F E N D E T

A V C T O R

A B R A H A M V S W A L L

B E R O L I N A S.

H A L A E

LITTERIS FRIDERICI WILHELMI HVNDTII.

Q. 34

THE UNIVERSITY OF CHICAGO

LIBRARY OF THE UNIVERSITY OF CHICAGO

PHYSICS DEPARTMENT

CHRISTIANO ANDREAE COPIES

LIBRARY OF THE UNIVERSITY OF CHICAGO

PHYSICS DEPARTMENT

LIBRARY OF THE UNIVERSITY OF CHICAGO

PHYSICS DEPARTMENT

LIBRARY OF THE UNIVERSITY OF CHICAGO

PHYSICS DEPARTMENT

LIBRARY OF THE UNIVERSITY OF CHICAGO

PHYSICS DEPARTMENT

LIBRARY OF THE UNIVERSITY OF CHICAGO

PHYSICS DEPARTMENT

Q. 34

LIBRARY OF THE UNIVERSITY OF CHICAGO

PHYSICS DEPARTMENT

V I R O

FAMA MVNERIBVS VIRTVTIBVS

FELICISSIMO ASCLEPIADEAE ARTIS EXERCITIO INSIGNI

PERILLVSTRI

EXPERIENTISSIMO ATQVE EXCELLENTISSIMO

CHRISTIANO ANDREAE COTHENIO

MEDICINAE PER X LVSTRA DOCTORI

S. R. I. NOBILI ET COMITI PALATINO

MAGNO BORVSSORVM REGI

A CONSILIIS INTIMIS ET SANITATIS TVTELA

REGIORVM EXERCITIVM MEDICO PRIMARIO COLLEGII MEDICI

SVPREMI DECANO

COLLEGII MEDICI CHIRVURGICI ATQVE ACADEMIAE NATVRAE

CVRISORVM DIRECTORI

ACADEMIAE REGIAE SCIENTIARVM BEROLINENSIS MEMBRO

HONORARIO

PARISIENSIS SOCIETATIS MEDICAE SODALE

COLLEGII SANITATIS ET INSTITVTI PAUPERVM CYRAM

GERENTIS ADSESSORE

PATRONO AC MAECENATI SVO

SVMMA REVERENTIA ET PIETATE AETERNVM
DEVENERANDO

TENTAMEN HOCCE MEDICVM

OBSTRICTISSIMVM SVVM ANIMVM

DECLARATVRVS.

SACRVM ESSE IVBET.


A V C T O R.

PROOEMIUM.

Singularis omnino atque ominosae, quam adumbrandam suscepi, vteri affectionem, parum adhuc in Germania nostra inualuit notitia; rarae eaeque disseminatae in libris non vbique obuiis, occurrunt observationes; cuius tamen inter grauidas frequentiam, nec a periculo immunitatem, istae adeo descriptiones arguunt, quarum sagax Britannia, paucorum fere annorum interuallo, vberiore numerum suppeditauit. Apud nostrates autem rariorem neque, nec aleae minus plenam ex eo iam dilucide fluere existimo, quod plus vnica vice per triennium in hac ipsa ciuitate decliuitas illa peculiaris vteri obuenerit. Stolidae vero plerumque mulierculae cum sibi arrogauerint grauiditatis, partusque prouinciam; morbique primordia cum facili negotio, natura etiam non perspecta, saepius superentur; palam mihi esse videtur, cur praestantissimorum etiam virorum facile fugere potuerit solertiam.

Quae cum ita sint, ex legum academicarum praescripto specimen quoddam inaugurale publico eruditorum examini nunc exhibiturus, inanem prorsus et superuacuum operam sumsisse vix arbitror, si quotquot expiscari contigit vteri retrouersi documenta inter se conferendo, veram huius mali notionem, decursum, causas, signa, eique medendi methodum perpenderem. Coronidis vero loco duas eiusdem affectus historias, quas egregii et illustris — MECKELII eximio fauori debeo, subnectam.

Reliquum quod est, E. B. enixe rogo ne censorio supercilio nimis rigide leuidensem hanc opellam, praematuram necessitatis prolem, perstringas.



DISSERTATIO INAUGURALIS
DE
UTERI GRAVIDI RETROVERSIONE.

§. I.

Operae pretium non esse censeo e libris tum veterum tum recentiorum obscura, ambigua, speciem retroversionis aliquam referentia venari, arripere, et in lucem producere. Multa quidem iam HIPPOCRATES de uteris e sede sua transmotis somniat. Vagum instar pilae in ventre oberantis eius motum variis locis¹⁾ adstruit et nunc ad latera, nunc ad praecordia et ipsum caput, nunc ad pedes deuolui existimat. Diffiteri tamen nollem et in urinae meatus incumbentis²⁾ et ad sedem conuersi secessumque prohibentis³⁾ occurrere indicia. Quanti vero, diui reliquorum morborum naturam interpretantis, in his facienda sit autoritas et multi iam suboluerunt et inde elucescit quod sua circa muliebria

¹⁾ De natura mulier. De morb. mulier.

²⁾ T. II. p. 567. Edit. Foesl.

³⁾ T. II. 399., 567. etc.

manu, oculisque suis deprehensa, non referat; sed anilia sui aevi commenta, plebejarum ineptias credulus saepe recoquat. 4)

Pro sueto vero hominum more, quo in errorem, erroris fuga, ducuntur, vincula, a GALENO vtero 5), quae alacritatem ejusque excursiones inhiberent, injecta; ligamentorum dein nomine ab illo, quem praestant vel praestare videntur, usu insignita; sensim in habenarum funiumque nauticarum similitudinem, mobilitatem fere omnem sufflaminantium, et quo minus in hanc vel illam partem declinarer, praepedientium, ex mera, quam de vinculis conceperant, opinione viri rei anatomicae parum periti, increuerunt. 6)

§. 2.

Recentior vero aetas utpote penitiori fabricae corporis, situs atque nexus partium amplificata cognitione nixa, in describendis vteri auis veritati rerumque naturae studiosa magis, firmitudinem cum mobilitate quadam coniunctam, ex diuerso imprimis in quo sub gestatione reperitur situ statuit. Has matricis declinationes, obliquitarum nomine claras, scriptis BARTHOLINI Anatom. L. I. C. XTIII - XXIX. VOELTERI *Hammen - Schule*. SENNERTI Pract. L. IV. P. II. S. VII. C. II. LAMOTTI L. III. C. I. MAVRICAEI Malad. AMANDI etc. jam interspersas offendes.

Multus

4) V. ROEDERER Opusc. Caesalp. Merant.

5) de loc. affect. C. V.

6) V. KERKRING Spicil. Anat. Obs. XX. Deventer edit. d'Ablainc. T. I.

Multus in ea re praefertim DEVENTERVS est, sedula solertique, qua vsus est indagine, in deflectionum natura scrutanda, causis eruendis, signis adumbrandis, hanc disciplinam ferme suam reddidit. Ad rigorosae tamen rationis trutinam eam reuocauerunt recentiores, latitantia hinc inde vitia, praeconceptae opinionis sobolem, expunxerunt atque eliminarunt, nouisque obseruationibus, repetitis saepius cadauerum incisionibus adornarunt et amplificarunt.

V. LEVRET, ROEDERER, STEIN, LE ROI, BAUDELOCQUE etc.
vt ex multis nonnullos solummodo excitent.

§. 3.

Retroversionis vero nostrae vel nulla reperiuntur vestigia vel, si qua signa memorantur, quae huius praesentiam arguere solent, partim eiusmodi sunt vt ad quemlibet alium eodem jure transferri possint affectum, partim tam oscitanter recensita deprehendes, tam vigenti cuidam opinioni accommodata, vt aegritudinis naturam omnino non perspexisse autores videantur. Inuestiganti mihi curiosius qui phoenomeni huius primi meminerint, vix hanc de inuentore disquisitionem altius quam a proximis aetatis nostrae annis repetere necesse fuit. Curatius, opportunitate sibi data, hanc vteri singularem complicationem rimari coepit, cumque erudito orbe communicare, vir, eruendo vero totam vitam impendens, oculatissimus Anglorum incisor ill. HVNTERVS. More vero viro solemni qui, proprio splendore fulgens, sibi fumere, quae alieni sunt, contemnit, vterum retroversum

non sibi arrogauit inuentum, sed candide non minus quam aequè cl. GREGORIO parisiensi detecti retulit honorem. 7) Hunc itaque nobis inventorem salutare fas est, vt interim tamen obseruationem nullibi publici iuris fecerit, sed oblatum sibi retroversionis casum auditoribus in praelectionibus enarrauerit. His assidebat tunc temporis Parisiis commorans cl. WALTER WALL, ex quo dein comperit Hunterus simili- que casu non longe post Londini obuio ab eodem testis accersitus fuit et in pessime aegrae constitutis rebus opitulator. Tanti vero huius inuenti dignitatem fecit Hunterus, tantum inde in artem medicam non minus quam in humanum genus redundare emolumentum existimauit, vt statim artis peritorum coetum conuocauerit, iisque singulari hac et plane inaudita vteri affectione exposita, medendi rationem adstruxerit. Vt fieri solet, irriserunt et infirmarunt multi hanc obseruationem, donec cl. LYNN perfecta sectioneque anatomica instructa eiusdem retrouersionis et sibi non longe post obuiae historia, quam T. IV. Medic. obseru. and. inq. inferi curauit erroris suspicionem omnem detraxerit, et Icon Hunteri quam splendidis de vtero grauido tabulis adiunxit, ad maiorem certitudinis gradum prouexerit. Dein vero et pluries haec retrouersio visa fuit et per plurimas varietates magis constituta, nec in Anglia solum a clarissimis viris HOOPER Med. obseru. and. in inquir. V. v. BIRD eodem loco. GARTHSCHORE Vol. VI. EVANS Med. Comment. by a Society of Edinb. Physicians Vol. VI. descripta, sed et a cl. SAX-

TORTH

7) v. Med. Obs. and. inquir. Vol. IV.

TORPH Collectt. Havn. II. ROBERT A&A. Soc. Med. Havn. II. VAN DOEVERN Obs. Academ. C. 7. WLTZEK Diff. Praegae, WILLICH V. RICHTER Bibl. Chir. T. V. WAITZ, eod. loco ill. MECKEL in cas. annex. magis magisque confirmata.

§. 4.

Quid vero per uterum retrouersum intellectum velimus, id nostri negotii nunc esse putamus ut distincte inter nos nostrosque lectores constet. Situi organorum peruerso et alienato annumerari debet; istique deuiationum generi quod cl. Callisen ⁸⁾ *hysteroloxiae* nomine expressit, proxime accedit. Uterum, mobile viscus, impellentibus viribus facile cedens, nunc axi continuato, acutiorem cum horizonte angulum quam peluis axis intercipientem, fundo anteriora versus diriggi; nunc, minus acutum effingente fundo versus thoracem ascendere; nunc axi vnum vel alterum os ilium respiciente, alteri horum ossium ostium obuerti, versus alterum fundum dirigi, et cadauerum incisiones docent, et obseruationes DE VENTERI, LEVRETI, ROEDERERI, STEINII etc. etc. satis superque tastatum faciunt. Secus vero se res habet in nostro affectu; non solum enim declinat uterus, sed fundus eius increscens ossis sacri promontorio initio appressus, posterius dein inter vesicam et intestinum rectum, si vero maior vis accedat, inter hoc et vaginae tubum reflectitur, inque saccum istum quem peritonaei succingens membrana vaginam inter et rectum producit, dimittitur; corpore et
fundo

⁸⁾ v. Inst. Chirurg. p. 526.

fundo vteri iam nunc sacri ossis cauo receptis. Sic vteri axis longitudinalis in semetipsum quasi conuolutus transuerso breuior euadit, nec in peluis cauum per ceruicem productus diuagatur; Angulus enim quem vterus huicque appensa vagina intercipit, qui, initio grauiditatis acutior, ob declivem penesque transuersalem vaginae situm⁹⁾, praesertim grauidate procedente, dum vterus magis ascendit, et expanditur, obtusus deprehenditur et intestinum rectum respiciens, nunc a situ suo longitudinali vteri axi abludenti, vel acutus vel rectus pro retroversionis gradu animadvertitur, aut apice vel urethram ossaque innominata pertingens, vel fundo altius demerso, vesicae fundam incumbentem habet.

§. 5.

Diuerfa vero a diuersis autoribus haec vteri deuiatio sortita est nomina, Anglorum plurimi primum ab Huntero retrouersi vteri impositam denominationem retinuerunt. V. LYNNE, HOOPER, GARTHSCHORE etc. Herniam vteri alii compellarunt; retroflexum vterum vocauit SAXTORPH. Coll. Havn. et WLTZEK etc.; retrorsum et deorsum pressum, VAN DOEVERN; resupinum, retortum, reuolutum alii. Hanc denominationum copiam facile erroribus ansam praebere iam animaduertit cl. LYNN et HVNTER. Plurimum vero refert tum ad euentum morbi recte diiudicandum, tum adrite instituentiam eius curationem, retrouersionem nostram ab aliis vteri affe-

⁹⁾ DEVENTER L. I. C. III. i. OVLID. BURTON. System. pag. 11.
HALLER. Elem. ROEDER.

affectuibus, cum quibus alit quasdam conuenientias, discernere; consultissimum itaque duximus nonnullas in medium producere, earumque discrimina paucis inuestigare.

§. 6.

Facile quippe cum simplici obliquitate vteri posteriori permutari posset, cuius iam in praecedentibus obiter notionem adstruximus; non saltem distinxit ab ea ill. Callisen. v. Institut. l. c. Qua vteri fundus vertebrarum columnae adpressus, et huius iter legens, ceruix ossium pubis margini allidit, vrinae et scybalorum fontes aequae obstruuntur; externo vero abdominis peculiari tumore et habitu, laborioso respiritu, orificio vterino facile percontantibus digitis tractabili, tumoris vaginalis et intestinalis absentia, satis dignoscitur.

Neque etiam retroversio vteri cum eiusdem inuersione confundenda; haec descensum inferioris segmenti vterini magis minusue notabilem et fundi vterini protrusionem per patulum eius orificium, denotat, partumque praecipitatum vel placentae ante spontaneam solutionem, vterique contractionem; rudiores attractionem, causas manifestas plerumque agnoscit.

Restat ut et a simplici vteri prolapsu, praesertim ab hysteroprosi sic dicta incompleta, discernamus. Quae tunc oritur, quando matrix, salua fundi sui ab orificio distantia, in vagi-

nam descendit. Apertura vteri in naturali situ suo remanens, digito exploranti statim occurrit, eoque facile circumire potest.

Tum quoque multum interest vt et ab intorsione distinguatur, quae plerumque laterali placentae irradicationi V. LEVRET *Suite d'Observat.* vel ligamenti rotundi ab altera parte decurtationi et rigiditati V. CAMERARIUS *Experim. circa generat* originem debet, cumque inclinatione quadam coniuncta saepius reperitur. Pars fundi anterior hoc in casu, versus altervtrum latus ita dirigitur vt axis vteri transuersus ad pelvis diametrum obliquam vel eius coniugatam plus minusue accedat. Orificiū vterini, quod in vorticem vna abripitur, exploratione, tumore abdominis peculiari, manifestatur.

§. 7.

Dicendorum ordo nunc requirit, vt mutationum sub retrouersione vteri in viscerum abdominalium nexu, proportionem, situ, adumbremus descriptionem, quoniam vero collatione cum istis, quae plerumque in graviditate contingere, solent, rectius perspiciuntur, haec proximo loco persequi fatius existimo. Neutiquam vero expectanda erit integra et plena expositio, quae ex grauissimorum anatomicorum scriptis satis iam innotuit, nec plurimum nequidem nostrum feriret propositum; ea indigitare sufficiet quae necessaria, vt eo melius ingressum decurrere spatium queamus.

Inter illas, quae, graviditatis tempore, mutationibus variis obnoxiae sunt partes, uterus virore huic muneri obeundo praestitutus, prae caeteris eminet. Primis gestationis temporibus modo vix conspicuo; progrediente vero illa, undique riuulis, tum ob irritationem humores allicientem, tum ob praecclusas mensium scaturigines, magnam sanguinis copiam fundentibus, dilatatur et quasi inundatur tota eius substantia; laxior et spongiosus magis evadit firmus alioquin contextus; intacta interim ferme cervice relicta, corpus fundusque praesertim expanditur atque dilatatur, ita ut super tubarum exitum magnum arcum absoluat, illaeque inferiori loco videantur prodire. Fundo sic aucto, moleque placentae et embryonis qualicunque pondere a tergo urgente, cervix in vaginam altius detruditur. Tertio vel quarto graviditatis mense, ocius modo, modo serius, sensim de pelvi maiora in dies incrementa sumens, uteri glomer ascendit secumque cervicem et suam nunc lufuram scenam abripit. Cervicis nempe tunc stricta compages soluitur, mollior fit, crassiorque, nec teretem formam servat, quae sensim deletur, ut nulla longitudo supersit, cumque uterico cauo cervicis tubus confluat.

§. 8.

Situm tamen in statu naturali minime ad perpendiculum vesicam inter et intestinum rectum tuetur. Leuissimam ad dextrum latus declivitatem iam animaduertit HYPPOCRATES, ARISTOTELES, GALENVS etc. prolixè describit

MORGAGNI in Aduers. Anatom. IV. animadu. XXV. HAL-
LER dlem. Phys. T. VII. et nuperi cl. viri LE ROI Pratiq.
des accouch. BAVDELOCQUE l' Art des accouch. ob coli si-
nistri flexuram, ibique coaceruatas faeces stagnantesque fla-
tus necessariam statuunt.

Nec tantum ad latus vergit vterus, sed facie sua anti-
ca planiore, conuexiore et crassiore postica, retrorsum
paulo fundo inclinatur, ceruice vero antrorsum nutat.
WINSLOW Exp. Anat. sa situation est oblique de sorte que
le fond est en arriere et en haut, le Cou en deuant et en bas.
v. quoque GVNTZ, HEVERMANN, HALLER etc.

§. 9.

Mole vero vteri in dies increfcente, sensim maiorem ab-
dominis partem sibi sumit; quarto enim et quinto mense ¹⁰⁾
ad vncias duas vel tres super os pubis se effert; mense sep-
timo iam ad umbilicum pertingit; mense octauo ad scrobicu-
lum cordis peruenit, vltimis dein ante partum hebdomadi-
bus iterum descendit, quod vulgo subsidentiam vteri vocant.
Huic vero immensae dilatationi opportunitatem dat et fabri-
ca visceris et parietum, qui abdomen circumdant pro magna
parte, mollitudo et peritoneaei, quod intus succingit, natura te-
nax quidem at maximam distensionem admittens, et visce-
rum, quae isto sacco continentur, laxitas et mobilitas. Non
enim hanc sibi magnam abdominis partem assumit vterus,
quin

¹⁰⁾ SMELLIE, HALLER etc.

quin e sede sua ambientia viscera deturbet. Tenuia intestina, colon transuersum, ventriculum, hepatis concavae superficiei adprimit, Diaphragma simul cum hepate sursum protrudit, renum adiposae capsulae, coloque dextro et sinistro incumbit, vasa iliaca neruosque comprimit, intestinum rectum ad sacri parietem urget, omnemque fere aluinam excretionem sufflaminat.

§. 10.

Vesicae praesertim infensum est vteri incrementum, pro arcta, quae inter haec viscera intercedit, cognatione, vix horum alterum mutationem aliquam subit quin et alterum in functione turber, quippe adauctum vteri volumen, modo vesicae verticem ad pubis ossa adigit, magnitudinem angustat et incontinentiam vrinae creat; modo ceruici incumbit, vrethrae cauum oblitterat et prorsus vrinae canalem obturat. Vrinae vero vis, immensum nonnumquam in modum, contrahendo imparem oramque ossium pubis vix pertingentem, glabulosam in sexu sequiori vesicam attollit. ¹¹⁾

Vix umquam quoque pristinam suam sedem retinet, qua, arcta cellulosa, planities posteriori medullaeque corporis pubis, quo faciecula modice caua pectinis ossa sibi respondent, adnectitur. Vesica vero, vtero, vt supra notauimus, dextrorsum nonnihil a coli sinistri flexura presso, oppositum latus, vrgente vteri massa, petere cogitur, satisque frequenter sinistrorsum declinans,prehenditur.

B 3

§. 11.

¹¹⁾ V. CHAPMANN. MIDWIFRY. PARSON. LEVRET. MAURICEAU. LIEVTAUD. HALLER.

§. II.

His ita praetextis, proximum nunc est ut speciatim de vteri gravidæ retroversione agamus, sparsimque de hac re a variis autoribus proposita colligamus, inque certum ordinem disponamus. Sensim lentoque nonnisi gradu circumvolutiones vterinorum vasorum explicari, pedetentim foetus officinam dilatari, augeri, demergi, erigi, superiori iam loco persecuti sumus. Perspicua inde erit ratio, quare primi fere a conceptione menses ab omni labe et molestia in dispositis etiam vacent, luculenterque patet lente utique retroversionem nostram succedere, nullisque eam praenunciantibus signis subrepere. Tertio vero ¹²⁾ vel quarto ¹³⁾ vel quinto ¹⁴⁾ denique graviditatis mense, prout uterus citius vel tardius de pelvis cauo exitum meditans in eius marginem impegerit, vel morbi initia occultius praeterlapsa fuerint, vel causae occasionales ocius ingruerint et ex improviso quasi fundum reclinauerint; calamitatum agmen sic fere progredi solet.

Segnius statim fit urinae profluuium, difficultas sensim suboritur, nec, nisi pauca sub continuo ad excernendum stimulo, summa virium contentione, cum ardore et stranguria redditur, et potissimum tunc saturate tincta, crassa cum copioso sedimento, vel sanguinolenta, immo et purulenta

cum

¹²⁾ GARTHSHORE. HÖOPER. BIRD.¹³⁾ SAXTORPH. GARTHSHORE. HÖOPER.¹⁴⁾ V. ill. MECKEL l. l. SAXTORPH.

cum carunculis et membranulis exiguis: (foetid lumps resembling the contents of an encysted tumour)¹⁵⁾ tandem vrinae riuulus opilatur. Alius interea rara esse solet, dein obstipata firmiterque clausa nec nisi inuoluntarie, sub insigni vrinam emittendi conatu, parum excrementii, duri, globulosi, foetidi, scybalorum in modum, identidem extorquetur.

Hypogastrica regio, totusque abdominis ambitus tensus, turgidus, tympaniticus, expansus, deprehenditur, ad attactum dolet, limitesque vesicae ad umbilicum nonnumquam productae, vterumque ipsum mentientis, in anteriori parte satis manifeste refert; Ani orificium, et interfoemineum inflatur, distenditur, coccyxque repellitur. Genitalia calent, sanguine madent, externa saepe retrahuntur, parumper eminent.

Interim dolores oboriuntur imam peluim initio instantes, progressu temporis ad vesicam, renes, umbilicum pertingentes, inguina tandem, femora, lumbos, dorsum, totumque abdomen inuadentes, dilacerantesque, ad ultimum crudelissimi, deliriis stipati subinde ferocissimis. Plerumque haec comitari solent anxietas praecordiorum, inquietudo, vigilia, respiratio cita, laboriosa, pectoris oppressio, nausea, vomitus, extremorum frigus, reliqua. Febris in peiori morbi statu nunquam fere non adiungitur, con-

¹⁵⁾ GARTHSHORE I.L.

continua cum pulsu statim duro, spastico, citato, sat magno; obscuro dein, paruo, frequenti, molli, cito sat vires carnemque depascente.

Exploratione vaginali instituta, in posteriori vaginae pariete, quo rectum respicit et sacri curvaturam, tumor occurrit modo maior, modo minor, renitens, tensus, durus, immobilis, rotundus, vaginam antrorsum propellens, pone eam haerens, ad perinaeum nonnumquam dilapsus, totam peluim subinde implens, a corporis situ vario nullam reductionem admittens. Supra Symphysin ossium pubis inter marginem posteriorem et tumorem pone vaginam haerentem, altius digito immisso, cavitas adesse solet, nec ullum orificii vterini vestigium, eodem vero sic directo ut dorsum symphysi, volaris manus pars vtero obuertatur, apex valide suppinetur et pectinis marginem legat magna cum difficultate, ad orificium vterinum retro et paulo supra symphysin haerens penetrat. Nonnumquam vero irrita plane exploratio est, orificii ultra symphysin euecti, subque fundum vesicae reconditi, situs indagari nequit. Eundem glomerem elasticum, renitentem, ad sacrum os adaptum, rectum intestinum comprimentem, eiusque parieti anteriori incumbentem, exhibet intestinalis exploratio.

§. 12.

Plurimum vero interest ut tres potissimum annotentur retrouersionis gradus, quorum leuissimus periculi fere

fere expers ad prolapsum vteri simplicem natura sua magis accedit, HUNTER, COMBE aliique. Plerumque tunc oriri solet quando fundus vteri quidem oppositam facri prominentiam offendit, leuiterque retrahitur, orificium vero vteri in naturali situ fere remanet nec a vesica sursum aufertur, protuberantia inferioris segmenti vterini in vaginam demissa. Alter gradus retrouersio incompleta vel semiretrouersio dici posset (partially or half retroverted uterus) in quo altius reuoluitur et demergitur fundus, ita tamen vt ultra pubis oram non prouehatur ceruix, sed os vteri sub osse pubis recondatur. V. ROBERT. HUNTER, GARTHSHORE, WLTCEK. Summus vero et grauissimus gradus completa retrouersio audit (full retroversion). Distensa valde et in abdomen assurgens vesica ceruicem vteri simul euehit, eamque altissimo in loco collocat, fundum vero ad anum et perinaeum vsque deuoluit. HUNTER.

§. 13.

Solemnes maxime huius morbi exitus, si rerum summa penes naturae vires stet, nec medica manus tempestiue suppetias ferat; et tristes semper sunt foetuique lethifici, et matri ipsi exitiales nonnumquam euadunt.

Perspecta enim retroversionis vterinae natura, ac peculiari sacri ossis eique impositi et supereminentis promontorii structura, liquido patet incrementem vteri molem, embryonis adauctum volumen, sibimet ipsi repositionis

omnem viam praeccludere, lentumque, at certum grauidae struere periculum. Quid enim? amnii liquore vndique circumfuso libere innatans embryo, parum initio ergastuli sui deviatione laeditur, vitalem liquorem placenta, spongioso ac molli vteri velamento defensa, fereque incolumis, iugiter defert; fouetur, nutritur et magis magisque increfcit foetus. Distensus vero vterus, omne quod superest in pelui minori spatium, quique patent sinus et scrobiculos in toto ambitu subit, a circumiacentibus visceribus deprimitur et in claustrum impingitur; suscipit nempe ipsam atque recondit altum sacri ossis curuamen, ischii vtriusque nec non pubis superficies interna, incumbit vesicae turgidus vter et intestinorum a foecibus et flatibus cohibitis distentorum ingentes maeandri. In isto specu incuneatus quasi detinetur, nulla nunc arte extricabilis, immo post mortem, dissecta pubis symphyssi, totaque manu vaginae immissa, vix e loco mouetur, et antiquam suam sedem repetit ¹⁶⁾; superioris enim pelvis aperturae angustia, tantae moli transmittendae plane impar, insuperabilem ipsi obicem obiicit, diductionem nunc totius pelvis compaginis molituro, ni certa adrepens mors vitam prius praecideret.

Matris salutem prouida magis consulit natura, dum, ante sui perfectionem, foetum e nido praepropere excutit ¹⁷⁾, quodque facile obtinet modo a graui ipsi incumbente vesicae pondere.

¹⁶⁾ V. HUNTER: SEXTORPH.

¹⁷⁾ LYNN I.C. SEXTORPH I.I. GARTHSHORE I.C.

pondere liberetur vterus, siue per naturales meatus elabatur lotium, siue per insolentes vias eliciatur. Eo enim onere leuatus, quo tanquam sarcina quadam premebatur, vel mole minor adhuc, de peluis cauo resilit fundus, vel maior iam, nullius amplius mobilitatis compos, in sui distensionem, qua data porta, nititur, at aequabili ne-
tiguam vi, sensimque id viscus extenditur, sed partialis, illaque accelerata oritur fibrarum distensio; nimirum anteriorem paginam collumque obsidentes, remoto obstaculo, humorum affluxu mollescent, urgente intus vi dilatantur. Adde nunc quam omnia contusa, attrita, ad spasmodicas stricture proritata sint, tum a circumiecto aspero osseo se-
pimento, tum a contorta vteri sensili substantia, tum a vicinarum partium distractione, quam facile secundinae, allisio-
nes has non impune ferentes, vteri parietibus euellantur, quam acerrimo doloris sensu, quam intolerabili summe sensilium in pelui contentarum partium lincinatione, ad nixus edendos infelix cogatur grauida, et habebis rationum satis, quare abortus hoc in casu persaepe contingat.

Sin vero abortus insequi nequeat ob causam ischuriae pertinacioris, nouus quotidie ex sanis renibus per patulos propulsus vtereres vrinae commeatus, in immensum follem laxam, conicamque cystidem prolata atque distendit; fibra-
rum, quo circumdatur, textus aequabili modo distendenti flui-
do elastico obsequi et cedere cogitur, rariores fiunt fascicu-
lorum intercapedines, laxior eorum cohaesio, omnisque

abolitur renifus. Tutamine tamen peritonaei, qua maximum est rupturae periculum, qua tenuiora fibrarum strata, qua nullo coercetur osseo repagulo, nulloque muscutorum abdominalium statumine, defensa, hanc quoque violentiam eluderet; ni urinae in vesica sua diutius stagnantis acrimonia, aquosarum, quas continet, particularum refoetio, sensilioris visceris ingens et dolorosa distractio, vehementissimam inflammationem, mox in gangraenam et sphacelum abituram, induceret. Aborto vero illo dissilit, tunicis erosis, urinae receptaculum, inter summos cruciatus, mox a ruptura subito remittentes, in peritonaei cauum effunditur acris atque corruptus humor, inundantur imi ventris viscera, postque abortum et tunc quidem consecutum nonnumquam¹³⁾, proxime instat ineluctabilis puerperae mors; abdomen quippe mollescit, dolores subito cessant, quietior redditur et per aliquot horas bene se habet; mox vero pulsus intermittit, foetidissimum halitum eructant genitalia, summa succedit virium prostratio, et ea tandem succumbit ratione, qua, qui sphacelo absumuntur, solent decedere.

§. 14.

Perlustramus nunc quae retroversione vterina demoruarum exhibuit anatome, quam fusius in Spec. Obs. Acad. C. 7. exposuit cl. VAN DŌEVERN, nitideque ad naturam depingi curavit ill. HUNTER. Aperto abdominis cauo mox in conspectum prodibat vesica urinaria, vterum gravidum simulans,

¹³⁾ V. LYNN l. c. SAXTORPH l. c. HUNTER l. c.

lans, quum in formam oualem expansa ascenderet circiter ad umbilici altitudinem, seu sex pollices supra symphyfin. A parte sua anteriori peritoneaeo destituta, ope substantiae cellulosae accreuerat nudis musculis abdominalibus, a quibus peritoneum, ascensu vesicae sursum tractum, erat separatum. Integra quamdiu erat integebat totum uterum, ut supra huius fundum multum omnino ascenderet. Aperta dein et euacuata immensa urinae copia, intus hinc inde parum inflammata, crassitiem suarum membranarum ut ut dissentiarum exhibebat tantam, quae facile lineam pollicis aequaret.

Viscera abdominalia a tumente vesica e situ suo naturali erant depulsa. Omentum erat totum versus superiorem abdominis regionem replicatum. Hepar maxime ad thoracis cauum ascendens, vix margine suo inferiore infra costas conspicuum, ventriculus valde sursum adactus, hepate et colo intestino reconditus, intestina tenuina sursum et retrorsum pressa, crassa flatibus et foecibus maxime tumida, insigni altitudine versus thoracem eleuata erant ¹⁹⁾.

Dissimilis longe erat rationis a cl. LYNN et SAXTORPH. l.l. instituta sectio; Dissectis enim abdominis integumentis, magna liquoris copia, X libris aequalis, colore et odore urinam referentis, effluxit. Tenuia intestina leuiter a situ recesserant, crassis sede naturali obuiis, utraque vero inflam-

mata, multis in locis fiderata et penitus corrupta erant. Vesica urinaria erat flaccida, conniuens, iusto amplior, gangraenosa, in posteriori parte disrupta.

Vtuncque vero haec sese habeant; vteri talis plerumque situs plus minusue obtinuit, ut fundus, qui quarto mense ultra symphyseos oram eminere solet, maxime depressus fuerit, ideoque solito minus protuberarit antrorsum, figuramque acquisiuerit multo planiorem, antica superficie superiori et posteriori facta, postica antrorsum et deorsum spectante; sicque ad partem pelvis imam dilapsus in peritonaei plicam, vaginam inter et rectum, decubuerit. Tubae Falloppianae, solito quidem loco ab utero secedentes, ita tamen sitae erant, ut ex retroversionis natura futurum esse facile intelligendum esset, fimbriato scilicet extremo sursum raptō, vterino una cum vteri corpore deorsum et retrorsum reclinato.

Vesica per medium diuisa, tumor vniuersam peluim occupans, vesicae fundum eleuabat, inciso vero fundo, et anteriori vaginae pariete, os vteri in conspectum venit pone situm et paulo elatius, quam pars superior symphyseos ossium pubis HVNTER. Ossibus vero pubis appressam vteri ceruicem obseruauerunt. ROBERT, WILCZEK, SEXTORPH etc.

Vtero deinde cadauere exsecto, tota pelvis cauitas erat amplissima, illa enim quae inter ossa pubis et sacrum est distantia

stantia quatuor pollicum cum nouem lineis erat, licet etiam superior ossis sacri pars, insigniter intra peluis cauum prominere, ideoque, reliquarum eius dimensionum ratione considerata, haec reliquis minor esset.

Vterus ipse singulari plane figura conspicuus, quae enim solet esse oualis, ut a suo orificio inferius posito, ad fundum sensim capacior euadat, sicque axin longitudinalem habeat multo excedentem illum, qui transuersalis est, in hoc casu fere rotunda erat, lateribus parum compressis. Orificium occupabat circiter mediam anteriorem partem (retroversionem nempe partialem describit VAN DOEVERN,) ut fere tanta portio regionis vteri posterioris infra illud descenderet quanta pars regionis anterioris et fundi supra illud conspiceretur. Vnde forma naturalis tantopere mutata erat ut maxima dimensio daretur inter partem eius anteriorem et posteriorem, septemque pollices aequaret, cum distantia fundi ab orificio sex tantum pollicum esset: hinc quoque vteri totius ambitus maior fuit, ubi mensura instituebatur iuxta faciem anteriorem et posteriorem, quam iuxta fundum, orificiumque. Prior quippe octodecim, posterior septemdecim pollicum obseruabatur.

§. 15.

Qua vero causarum vi, insignis haec et violenta fundi vterini replicatio contingat, non iniucunda disquisitio erit, nec

nec fructu in curationem redundante vacabit scrutinium. Pugnare enim cum pelvis osseae conformatione, partiumque structura et dispositione videtur, quippe si quis consideret prominentiam sacralem inter et pectinis ossa intercedentem distantiam, urinae cystidis et intestini recti prouincias, vteri peculiarem situm, eiusque cum adiacentibus partibus firmiorem coniunctionem, ligamentorum, quae sortitus est, dignitatem et peritonaei ad vteri corpus multifariam complicati diffusionem, vix quidem hanc retroversionem statuet. Sciat vero causam non vnicam neque leuem ad inducendum hoc malum satis habere ponderis, sed plurium et grauissimarum conspirationem requiri. Illarum vero vt expeditior sit disquisitio, in occasionales diuidimus et praedisponentes.

Principem inter has locum sibi vindicat pelvis aperturae superioris s. *introitus* angustia. ²¹⁾ Multiplices in pelvis limitibus obuersari varietates discors ipsum de pelui perfecta autorum iudicium suspicari licet; cl. enim TITSING 5. 6. ROEDERER $5\frac{1}{2}$, BURTON $5\frac{1}{2}$, WIND $5\frac{1}{8}$, SMELLIE $5\frac{1}{4}$, CAMPER $5\frac{1}{2}$, 6. DELEVRY 5. BAUDELOCQUE 5. pollicum paris. vulgarem maxime diametri transversae mensuram in apertura superiori adstruunt. Coniugatam vero TITSING $4\frac{1}{2}$ 5. ROEDERER $4\frac{1}{2}$, BURTON $4\frac{1}{4}$, WIND $4\frac{3}{4}$, SMELLIE $4\frac{1}{4}$, CAMPER $4\frac{1}{4}$, DELEVRY 4, BAUDELOCQUE 4. pollicum faciunt. Omnes tamen vno quasi ore fatentur ablusiones infinitas pene numero occurrere, deque vitiata pelvis conformatione plenissimi sunt principum in

²¹⁾ V. HUNTER l. l.

in arte obstetricia virorum libri, idemque euincit quotidiana in theatris et museis anatomicis experientia. Tametsi vero dira quaelibet pelvis angustia grauidae et parturienti mala pariat, non quaelibet tamen retrouersioni generandae aequae accommodata est, illam praesertim reformidandam censeo, quae longiori promontorii sacralis proiectione, vertebrarumque lumbalium insigniori incuruatione et in abdominis cauum propensione, absoluitur. Ascendenti enim (v. supr.) tertio vel quarto mense vtero porrectus sacri scopolus obstat; altiore, commodioreque sedem petentem retinet, et ad incuruationem sollicitat.

§. 16.

Tutior vero atque faciliorem reclinacioni viam sternit, cum aperturae superioris angustia, coniuncta nimia ipsius pelvis caui amplitudo, sacriue ossis longa altaque excavatio V. HUNTER, SAXTORPH, ill. MECKEL, VAN DOEYERN l. l. etc. quippe in quam, fundus vteri initio prominenti tuberi appressus, sensim dein retrorsum atque deorsum gliscat. Flocci plerique autores huius dimensiones fecerunt, de inferiori et superiori hiatu praesertim solliciti, nullasque inde progerminare grauidae et parturienti molestias sibi sunt persuasi, modo ita comparatum sit vt foetui viam non intercludat. Nihilo tamen fecius, incidunt casus, vbi et maior pelvis, quam par sit, capacitas officit, quorsum hic noster pertinet. Denegata enim incrementi vtero, ex arctiori caui ambitu, retrouersionis opportunitate, a plano

D

magis

magis et perpendiculari sacri tractu, versus symphyfin adigeretur sicque oppositum promontorium superaret. Nunc vero, in eam rapitur partem, qua causae occasionales vrgent, qua vacuum spatium allicit, qua aliquam, a prima iam conformatione, propensionem nactus est, retrorsum puta, inque profundum sacri sinum decumbit.

§. 17.

Neque tamen omnem in peruersam pelvis structuram coniiciendam censeo culpam; est et mollibus quoque partibus in praedispositione inducenda sua vis. Fauet enim, momente iam H V N T E R O l. c. pinguedinis in pelui defectus, raro, si vel unquam, obeso, crassoque corpore instructas, hoc morbo laborasse obseruat, et macilentum quoque corporis habitum aegrae, cui subuenit, memorat R O G E R T alique. Nec est cur demiremur, adeps enim musculis, visceribus, intestino recto praesertim, vaginae tubo, vesicae, obturatoribus internis circumfusus, peritoneo in expansione sua plurimus subiectus, cauum pelvis angustat et firmitatem aliquam visceribus conciliat, quae, intercapedine ista abolita, culcitraque detracta, liberius in ampla ac spatiosa pelvis specu fluctuant.

Huc referri insuper debet fibrarum vteri tonus vel robur deiectus, ligamentorum imbecillitas, partiumque laxitas et debilitas. Potissimum enim huic malo obnoxiae sunt foeminae tenerioris, mollioris, sensibilibioris habitus, cachecticae, delicatioris constitutionis V. LYNN, EVANS,

GARTSCHORE, l. l. c. c. saepius partum iam enixae V. EVANS, GARTSCHORE, LYNN, WALTZ etc. prolapsus abortusque perpeſſae, V. LYNN, ROBERT etc. a quibus magna vtero conciliatur imbecillitas, nimiaque vaſorum diſtenſio et relaxatio oritur.

§. 18.

Singularem ceruicis vterinae fabricam accuſat cl. WLTZECK l. l. quam in foemina, hoc morbo extincta, incifione cadaueris detexit. Ceruix ſcilicet, duos conos truncatos, baſibus ſibi in medio iunctos, referens, pollicarem menſuram vix ſuperans, in iſto cadauere longiſſima erat, adque acutiſſimum angulum complicata; hanc vero ceruicis elongationem non vtpote cauſam, ſed vt effectum retroflexi vteri agnoſcit grauiſſimus in ea re iudex ill. Archiater RICH-TERVS in Bibl. chirurg. T. IV. quippe ſi vteri corpus prope ceruicem incuruatur, vti in caſu a cl. WLTZECK memorato contigit, ceruicisque in vaginam prominens conus, a pubis margine retundatur; prolongetur neceſſe eſt pars, quae ſummam a mole vteri extensionem experitur.

§. 19.

Haec de proegumenis, reſtat vt et occaſionales cauſas perpendamus, has vero omnes atque ſingulas perſequi, leues cum ſaepe noſtrum affectum prouocare valeant, longum nimis foret et ſuperfluum, illas ſolum modo in medium producemus, de quibus fida certaue obſervatione conſtat.

Huc pertinet ipsa vteri grauidi moles, hanc primam, so-
lamque saepe retrouersionis genitricem agnoscit cl. HUN-
TERVS l. c. when the lower part of the pelvis is very ca-
pacious and especially when there is little adeps to fill it up,
the enlarged vterus in the second and thirs months, will oc-
cupy the lower part principally of such pelvis etc. — de-
que incrementis vteri ad sacrum os 3. l. 4. Mense allisione,
et nos quoque iam supra egimus v. §. Num vero hy-
drops, polypus, scirrhus vteri, Ouarii vitia varia, ad retro-
uersionem ingenerandam minus apta sint, experientia non-
dum confirmatum est, licet rerum natura non refragari vi-
deatur. Ill. quidem D. WILLICH, V. RICHTER, Bibl.
chir. T. V. in casu quem describit ex aegrae tum testimo-
nio tum propria coniectura ad grauiditatis absentiam conii-
ciendam adductus fuit, errorem vero mox in monito, eidem
fasciculo appenso, agnouit, inque tertio gestationis mense,
tunc temporis aegram constitutam fuisse subsequens partus
declarauit.

§. 20.

Non minus per obseruationes in comperto est, ini-
quam placentae irradicationem, ita vt obliquitati vterinae, sic
et retrouersioni originem praebere; cl. enim SAXTORPH l. c.
aliique paginae vteri posteriori adnexas in tali casu secundi-
nas offenderunt. In eo vero eum cl. LEVRETI L'endroit
ou se trouue attachè le placentane peut s'etendre autant que
les autres endroits et c. SVIT, D'OBS. p. 106. opinio fefel-
lisse videtur, quod superficiei, cui iuserta est placenta, dilata-
tionis

tionis in grauiditate parum concedat, contractaeque paginae posteriori reclinandi et retrahendi fundum facultatem impertiatur. Sic enim habet: vitiosa placentae irradicatio non in fundo, sed in certa vteri superficie obliquitatem quam saepissime inducit, dum scilicet illa pars vteri, cui sese irradicat placenta, crassior fit et in relatione ad reliquas partes minus extenditur, quo tempore irradicationi oppositus locus magis expanditur et attenuatur — Contracta superficies posterior vteri fundum retrahit, maiorque pelvis capacitas eundem retroflexum capit. Cui tamen SAXTORPHII opinioni ocularis experientia, phaenomena grauiditatis et autoritas aliorum virorum repugnant. Quin vero pondus placentae, primis gestationis mensibus, pro vteri volumine, praesertim conspicuum, maior in ista parte humorum affluxus, sublatum exinde aequilibrium, magis ad retrouersionem conferat, autoritate P. A. BOEHMERI v. Diff. de situ vteri grauidi per regulas machanicas, ipsiusque LEVRETI si le placenta est éloigné du centre de la voute, il entraine l'utérus du même côté par les loix de la gravité des corps. SVITE D'OBs. p. 154. suffultus, nullus dubito.

§. 21.

Quaecunque porro causae, quae intestina, ventris specum ambientia viscera ad imam pelvis regionem vrgent, vterumque, suapte retrorsum nonnihil inclinantem, (v. supra) deprimunt, situm obliquum peruertere, nostramque retrouersionem ingenerare valent. Quarum numerum subit, vberior in vesica urinae accumulatio, grauidis initio ex causis supra recensitis

praesertim familiaris. Tres, quatuor, quique, sex, octo, nouem lotii libras, ab excitatis iam saepius autoribus cathetere simul eductas fuisse lego. Multo vero lotio distenta vesica peluim totam occupat, in abdomen adsurgit, secum vteri ceruicem, quacum lata peritonaei ad os fere internum diffusi productione coniungitur, sursum rapit, ultra Symphyfin nonnumquam euehit, fundumque vteri et eleuatione ceruicis demergit et pondere proculcat. Vt vero extenditur, ita ad lotii egestionem stimulat, obtemperans aegra ingentibus nixibus depressoriis, vi diaphragmatis deorsum deducti, vrinam exprimere studet; Tam parum vero haec conamina succedunt, vt in peius potius ruant omnia, scilicet, pleni abdominis viscera, quibus pariter contracti imi ventris muscoli resistunt, vesicam comprimunt, subiectumque vterum magis magisque pessumdant.

Haud dispar ratio atque effectus est aliarum causarum, vti pertinacis alui obstipationis, aerumnosae ventris depositionis, HUNTER etc. vomitus violenti WILlich, elevationis atque gestationis grauioris oneris HOOPER, pultae incotactae, flatibusque distentorum intestinorum ROBERT, grauium animi commotionum HUNTER, HOOPER, WILlich etc. etc. — quae contractiones validissimas in musculosis partibus progignunt, subitaneum et violentum diaphragmatis descensum, allisiones et conquassationes viscerum producunt, et inclinatum vterum reuoluunt atque retrudunt.

§. 22.

Quid quod? ipsa denique epidemica constitutio, ut alias praeternaturales partus inducit, retrouersioni nonnunquam ansam suppeditasse videtur. Infelices partus, abortusque ab hac causa pendere, haud obscure ex Hippocrate iam elucet Sect. III. Aphor. 12. breuioris temporis cancellis vteri retrouersio in Anglia latissime incedens, aliasque regiones non minus crebro peragrans, idem fere suadet. Quod autem reuera epidemici quid in partibus obtineat, adque sedem placentae multum faciat, ea de re elegantem observationem habet SAXTORPH l. 1. Peruoluens diaria puerperarum, quibus paturientibus adstiti, non possum summopere admirari conuenientiam, quae inter laboriosos per aliquem temporis tractum crebrius solito incedentes partus obtinet. Menses integri praeteriere saepius, in quibus nec vidi, nec vocatus fui, nisi ad dissimiles et sui generis partus. Dum e contrario accidit, ut alio tempore in vna eademque hebdomade, partus obseruauerim plures eiusdemque speciei ad determinatum tempus quasi conspirantes. Possuntne existere generales et externae satis valentes causae, quae tempore conceptionis, in grauiditatem et insequentem partum agant, quemadmodum dominantes interdum experimur causas morborum epidemicorum.

§. 23.

Quod ad curationem attinet, paucis eam leuiter perstringam, ne ea fastidiose recoquam, quae in cas. annexi
fusa

fuse dilucideque exposita sunt. Duabus potissimum indicationibus absoluitur, quarum est prima ut impedimenta arceantur, quae repositioni moram afferunt, altera, ut quanto ocius natiuum in situm restituantur, firmeturque uterus.

Priori indicationi ut satis fiat, vesicae et alui instituenta est euacuatio, insigne semper praestat leuamen, immo si malum nondum radices egerit, ultro e pelvis cauo, vrina detracta, resilit fundus uteri. At aluus neutiquam acribus purgantibus sollicitanda, quae tumultus mouent, magnasque perturbationes in abdomine ciunt, malum exacerbant, nec ventrem referare valent LYNN, HOOPER, GARTHSHORE, sed clysmatibus, emollientibus, anodinis, salinis, fortu partium, lapideae faeces soluendae, spasmi mitigandi, tensae praeter modum partes relaxandae, lacerataeque demulcendae, placide et sic aluus subducenda.

Catheteris in vesicam immissio alioquin facili negotio in foeminis peragitur, retrouersione tamen uterina oborta, magnis nonnunquam implicita et circumsepta est difficultatibus, saepe enim vrinae meatus, vesica ipsa, vicinisque partibus a reclinato utero distractis, (§.) de recta via aberrat, vel uteri tumor adeo ceruicem vesicae aut vrethram ad pubis ossa vrget, fortiter comprimit, eamque ita angustat et delet ut catheter omnino canalem permeare nequeat. Priori in casu flexilem algalam laudant nonnulli; peculiarem in altero encheiresin extollunt cl. GARTHSHORE et WILICH l. l. duos nempe digitos in vaginam demittunt, hisque

que vaginalem tumorem ad sacri curvaturam repellunt; vreni pressu in urinae viam depulso, sponte nonnunquam lottium e vesica profilit vel commode satis catheter medius in digitorum a se inuicem parum remotorum interstitio, meatum subit, adque vesicam libere decurrit.

In cassum vero adhibito et hoc artificio, symptomatibus valde urgentibus, ad vesicae paracenthesin confugiendum esse censet cl. LYNN. Vagina autem, urethra, perinaeo, intestino recto, tumore vterino obsessis, hypogastrii solum pertusio superest, quae aliquam saltem prosperi successus spem indicere posset; quislibet vero vel leuiter in chirurgicis versatus non nescit, quam dubia et anceps urinae per hanc viam detractio sit.

Vrina vero exantlata, reductio statim instituat. Aegra cubitibus nixa, capite demisso, levata pelui, thorace depresso, cruribus diuaticatis, genubus in lecti limine insistat; quo facto intestina, et viscera abdominalia diaphragma versus deuoluunt, vterus pondere suo iam nunc ad naturalem situm vergit, sacri sinum relinquit, immo sponte natium situm repetit. Ipsa repositio instituitur retrudendo fundum vterinum, vno vel pluribus digitis ano vel vaginae immissis, ita tamen vt non solum sursum digitorum apicibus propellatur fundus, sacri enim prominentiam offenderet, sed ad latus leuiter retrahatur, versusque umbilicum vrgeatur. V. RICHTER, WILlich, WAITZ. Parum omnino ad repositionem videtur conferre ceruicis vterinae depressio, quae

saepe est irrita et superuacanea; fundo enim in situm restituto, sponte descendit ceruix; nonnunquam violentiam dum infert, abortum accelerat, vel inflammationem, aliaque mala parit.

Sin vero, morbo inueterato, vterus immobilis haereat, cauoque peluis impactus fuerit. §. 13. Symphyseos pubis sectionem, nostris temporibus adeo decantatam, adhibendam esse arbitratur cl. PURCELL Medic. and Philos. Comment. by a Soc. in Edinb. T. VI. Eundem in finem perforationem vteri tentari iubet HUNTER. l. l.

Reductarum, in situ suo partium retentio, cauta causarum remotarum ablatione peragitur; summa corporis et animi quiete, in abdomen vel latus protracto decubitu, urinae et faecum assidua depositione, clysmatum et catheteris liberaliori usu, pessario denique vel spongia in vaginam introducta, recursus mali auerruncatur, qui progressu temporis, ipsa vteri mole et situ aboletur prorsus.

Promissis meis Vestrisque votis satisfactus, observationes, L. B. vobis fisto, non minus ad historiam morbi illustrandam, quam ad eius medelam rite instituendam plurimum conferentes, a clariss. MECKELIO mihimet humanissime suppeditatas, in meam ipsius utilitatem, publicumque commodum ut conuerterem. Tanti nominis splendorem in opusculi, quaecunque sit, mei fauorem abiturum esse spero, immo confido. En morbi historias mecum ab ipso communicatas!

CASVS I.

Foemina primipara, circa tertium grauiditatis mensem, primo difficilem vrinae excretionem, dein plenam eius suppressionem cum tardiori alui exoneratione, mox plane subsistente, experta, medicorum suasu, nimia iterataque rhedae concussione, enematibus, remediisque leniter laxantibus, malo mederi tentauit. Quibus per quatuor hebdomades saepius reuocatis nihil, nisi quoddam excretionum leuamen contigit. Hisce pertaesa adiit obstetrices, quae quotidie repellendo ad posteriora, quem inuersum aut prolapsum habent, vterum, vrinae meatum a pressione liberant, et ita, per duas septimanas vrinae effluxum adiuuant, continuo clysmatum vsu aluum referante. Perdurantibus vero molestiis accedit dolorifica peluis partium distensio, pertinaxque vrinae et alui retentio; tandem

dem consilium meum sollicitat. Symptomatum enarratione ab ipsa nobilissima aegrotante facta, nil mihi curae cordique magis fuit, quam ut partium genitalium vterique habitum attenta exploratione disquirerem — En quae repererim per explorationem: Genitalibus apprimè relaxatis et muco albo repletis vix introduxi digiti indicis primam phalangem vbi statim in tumorem incidi renitentem, tensum, maioris vesicae aemulum, omne sacri ossis cauum replentem, et ita quidem ut inferiorem eius medianque partem inter et sacrum digitum circumferre, ulterius progredi vero non potuerim. — Huius in inferiori parte vteri orificium frustra quaesivi, idque non prius reperi quam postquam dextrae explorantis indicem ita direxerim ut dorsum symphisi pubis, volaris pars vtero obuerteretur. Haerebat vero non tantum retro, sed et paullum supra symphisin pubis. Presso et retrorsum acto parumper hoc ostio, prorupit copiose urina calens, rubra, mirum in modum leuata fuit aegra — Hisce de vteri reuersione certior factus; Symptomatum tunc causam agnoscens nil praeter urinae ope catheteris abstractionem hodie peregi. Libram vnam vel alteram hac operatione e duxi, sequente die idem peregi, nil vero mutationis in vtero exinde percipiens, proximo die, exploratione iterum facta praeter vteri habitum, peluis summa mihi amplitudo confirmata fuit; curam sequenti ratione institui:

Aegra ita posita ut vtrique cubito et genu, capite demisso incumberet, natibus superiorem locum tenentibus, dextrae digitos ita genitalibus introduxi, ut vola vteri fundum, dorsum vero vaginae posteriorem parietem respiceret. Amplexa, quantum potui de eo capere, manus vola vterum, (manu in extensione posita,) vi eius sursum pellere molem conatus sum. Non statim vero cessit e loco suo vterus, licet antea urinam abstraxerim; saepiusque a repetitis conatibus desistere, licet in iis diu multumque sadauerim, propter angustiores peluis aperturam quam quae molis egressum permitteret facile, coactus fui.

Parumper tamen e loco suo cessit vterus, integerque cum sensu restitutionis, quem aegra percepit, rediit altero mane; vbi et orificium, antea pubis symphisi obuersum, inferiorem, quem a natura desti-

destinatum habet locum, necuperauerat. — Non diu post eximia prodiit vrinae sanguinolentae copia, et e partibus genitalibus effluxit liquor sanguinolentus, restitutus et statim postea est liber faccum exitus. — Abortui, quem extimescere fas erat, refrigerantibus et sedantibus propinatis obuiam iui, quietem in lecto, trunco resupinato, suasi. Nullis tamen eius signis comparentibus, liberisque permanentibus viis antea plane obstructis, de quo non parum laetitiae aegrae accessit, instituto post octiduum a restitutione partium examine, omnibusque integerrime repertis, perfecte sanatam sorti suae reliqui; post mensium fere quatuor intervallum puerperam a partu felicissimo sanam vegetamque vna cum prole sua vidi. — Differt a reliquis notis observationibus 1) admodum ferotina retrouersione accedente, ratione ad grauiditatis tempus habita, 2) defectu abortus, licet summa molimina in repositionem fuerint requisita.

CASVS 2.

Exhibet alteram observationem militaris femina, sexta vice grauida, trigessimum circiter aetatis annum agens. Per omnes reliquos partus et per grauiditates optime sese habuit; nunc vero eandem frequentes vrinae et alui suppressiones angunt. — Cathartica et hydragoga absque fructu in vsum vocata fuere; in dolorificam admodum incidit, cum valida febre saeuiente, vrinae plenam retentionem. Post 24 ab hoc infautissimo rerum statu, horarum decursum, aegerrimam inuenio; vrinae libris saltem quatuor ruberrimae catheteris ministerio abstractis palliative symptomata fugo. Sed mox redeunt cum noua eius accumulatione. Eo iam certior de vrinae suppressionis causa factus, digitum vaginae intromittens, vteri fundum, eximie pansum distentumque, retrouersionis nuncium habeo, eodem retro pubis symphisin acto, vbi vteri orificium vix attingendum sentio, mihi confirmatur. Sed 5tum iam et haec attigerat grauiditatis mensem, peluis quidem in inferiori parte ampla, superne vero angusta erat. Attamen antedicto modo repositionem tentavi; maiori et haec difficultate premebatur; tandem vero

F

cessit

cessit et in hac quoque absque recidiua vlla mox ita in naturalem situm restitutus est, vt orificium inferiorem locum teneret. Euanuere cuncta symptomata, postque peractum solitum grauiditatis terminum filiolum enixa est aequae bonae ac ipsius erat, sanitate fruente. Differt observatio: 1) Repositionis difficultate, 2) Symptomatum a retroversione insequentiam vehementia, 3) sensus restitutionis defectu.

CASVS 3.

Tertius mihi casus Londini contigit; isque cum antecedentibus ratione symptomatum plane conuenit; caeterum vero, in eo differt, quod restituto iam plane cum symptomatum leuamine utero, iterum neglecta quiete a grauiditate minus mutato et volumine aucto, recruderit malum. Non tamen post alteram repositionem abortus superuenit, eademque fuit et huius, quae reliquarum fuerat, fausta fors.

CASVS 4.

Offert quartum retrouersionis casum; dum haec scribimus, eadem de qua in secundo narratum fuit, femina. Vigesima circa ab inpraegnatione hebdomade, denuo vrinae suppressionem per horas fere duodecim patitur. Beneficii a duobus abhinc annis in eam collati et leuaminis subitanei memor, quam primum mali initium sensit, altiores ne radices ageret, restitutioni vteri se submitit. Successit et haec post quatuor circa vrinae limpidae librarum extractionem et situm reditui vteri aptum. Sexto a restituto utero die, absque vlla molestia bene se habere ipsa testatur.